

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI  
OPĆINA ZENICA  
Služba za komunalne poslove i ekologiju

**OBRAĐIVAČ:**  
Služba za komunalne poslove i ekologiju

**PROGRAM UTROŠKA SREDSTAVA  
IZ FONDA ZA EKOLOGIJU  
ZA 2014. GODINU**

ZENICA, Februar 2014. godine

Na osnovu člana 25. Zakona o zaštiti okoline („Službene novine ZE-DO Kantona broj 1/2000“) i člana 22. i 116. Statuta općine Zenica („Službene novine općine Zenica, broj 4/08.“) Vijeće općine Zenica na sjednici održanoj .....d o n o s i

## **P R O G R A M O UTROŠKU SREDSTAVA IZ FONDA ZA EKOLOGIJU ZA 2014.GODINU**

### **UVOD**

Eko fond općine Zenica, formira se na osnovu člana 59. Zakona o zaštiti okoline („Službene novine ZE-DO kantona br. 1/2000“) i Odluke Vlade Kantona br. 02-14-11841/03 od 28.05.2003. godine, član III koji glasi:

„Pripadajuća sredstva Kantona koristit će se za rješavanje ekoloških problema Kantona, te za potrebe interventnog djelovanja u slučaju ekoloških incidenata ili elementarnih nepogoda.

Uplaćena sredstva u budžetu općine namjenjena su za podsticanje mjera zaštite i unaprjeđenja okoline i u druge svrhe se ne mogu koristiti.

Planove i projekte iz oblasti okoline općine obavezno dostavljati ministarstvu za prostorno uređenje, promet i komunikacije i zaštitu okoline, radi pribavljanja saglasnosti.“

Navedenom „Odlukom o načinu raspodjele sredstava Fonda za zaštitu okoline“ od prikupljenih sredstava Fonda općinama se prenosi 80 % - prema broju registrovanih vozila.

Za 2014. godinu planiramo za raspodjelu iznos od 535.000,00 KM.

Realizacija aktivnosti bi se odvijala u skladu sa dinamikom prikupljanja sredstava.

Prioritet u realizaciji Programa određuje Načelnik Općine na prijedlog Službe za komunalne poslove i ekologiju.

### **PLANIRANI PRIHODI SREDSTAVA**

Prihodi po osnovu „Odluke o načinu raspodjele sredstava Fonda za zaštitu okoline“ Vlade Zeničkodobojskog Kantona za 2014. godinu je planirano ..... 350.000,00 KM.

Ta sredstva će se rasporediti kao što je prikazano u tabeli.

**PROGRAM UTROŠKA SREDSTAVA EKO FONDA  
ZA 2014. GODINU**

| <b>Naziv projekta</b>  | <b>Iznos</b>      |
|--|-------------------|
| <p><b>- Izdaci za komunalne usluge</b></p> <ul style="list-style-type: none"> <li>- Deponija Siđe</li> <li>- Čišćenje riječnih korita</li> <li>- Zbrinjavanje automobilskih guma</li> <li>- Zbrinjavanje animalnog otpada</li> <li>- Čišćenje divljih deponija</li> <li>- Realizacija Plana upravljanja otpadom za općinu Zenica</li> <li>- Održavanje zelenih površina</li> <li>- Rješavanje problematike napuštenih životinja</li> </ul> | <b>400.000,00</b> |
| <p><b>- Ugovorene usluge</b></p> <ul style="list-style-type: none"> <li>- Edukacija stanovništva</li> <li>- Mjerenje zagađenosti zraka</li> <li>- Mjerenje zagađenosti tla i biljaka</li> <li>- Učešće Općine u realizaciji eko projekata</li> </ul>   | <b>130.000,00</b> |
| <p><b>- Tekući transferi neprofitnim organizacijama</b></p>  | <b>5.000,00</b>   |
| <b>UKUPNO</b>  | <b>535.000,00</b> |
| <b>Ostali EKO projekti</b>   |                   |
| <p><b>- Nabavka opreme za mjerenje zagađenja zraka</b></p> <ul style="list-style-type: none"> <li>- Nabavka opreme za mjerenje zagađenja zraka (Fond za zaštitu okoliša FBiH)</li> </ul>   | <b>300.000,00</b> |
| <p><b>- Nabavka opreme putem švedske organizacije SIDA</b></p> <ul style="list-style-type: none"> <li>- Nabavka kanti kapaciteta 90, 70 i 240 litara i kontejnera kapaciteta 1100 litara</li> </ul>  | <b>110.000,00</b> |
| <p><b>- Nabavka opreme putem švedske organizacije SIDA - PDV</b></p> <ul style="list-style-type: none"> <li>- Nabavka kanti kapaciteta 90, 70 i 240 litara i kontejnera kapaciteta 1100 litara</li> </ul>  | <b>19.000,00</b>  |

## **OBRAZLOŽENJE PROJEKATA:**

### **Izdaci za komunalne usluge – 400.000,00 KM**

#### **- Deponija Siđe**

Nakon prestanka odlaganja otpada na ovoj deponiji, potrebno je planirati sredstva za održavanje deponije do konačne revitalizacije ovog lokaliteta. Prvenstveno je riječ o obezbjeđenju deponije, sprečavanju nelegalnih ulazaka i deponovanja materijala, kao i o intervencijama na gašenju požara koji se javljaju naročito u ljetnim danima zbog povećanih temperatura. Za navedene aktivnosti, potrebo je u budžetu za 2014. godinu predvidjeti 30.000,00 KM.

Prilikom vršenja revizije finansijskih izvještaja PD „Regionalna deponija Moščanica“ za 2010. godinu, ovlašteni revizor je dao preporuku da Općina Zenica, kao investitor projekta sanacije deponije SIĐE izvrši PD „Regionalna deponija Moščanica“ uplatu sredstava -sredstava utrošenih za izradu projektne dokumentacije za sanaciju ove deponije.

U toku 2012. godine je isplaćena I rata u iznosu od 100.000,00 KM, dok je u 2013. godini isplaćena II rata u iznosu od 80.000,00 KM, tako da se treba planirati u 2014. godini da se isplati ostatak, odn. cca. 67.000,00 KM.

#### **- Čišćenje riječnih korita i potoka**

Redovan projekat svake godine i za to su potrebna sredstva u iznosu od 30.000,00 KM. Planirana sredstva (30.000,00 KM) biće utrošena za čišćenje riječnog korita rijeke Bosne i drugih riječnih korita i potoka na području općine Zenica. Smatramo da su planirana sredstva u iznosu od 30.000,00 KM nedovoljna za čišćenje obaloutvrda rijeka tako da će i ove godine Služba za komunalne poslove i ekologiju aplicirati kod viših nivoa vlast za dodatna sredstva koja će biti utrošena u te namjene.

#### **- Za zbrinjavanje animalnog otpada**

Planiraju se sredstva u iznosu od 40.000,00 KM. U završnoj fazi su aktivnosti oko pribavljanja svih potrebnih dozvola za puštanje u funkciju postrojenja za adekvatno zbrinjavanje animalnog otpada, a Služba za komunalne poslove i ekologiju je nadležna obezbjediti pravilno skupljanje te vrste otpada od svih subjekata na području općine Zenica i finansirati za njegovo pravilno zbrinjavanje.

#### **- Plan upravljanja komunalnim otpadom 2011.-2016. god. za općinu Zenica**

Na sjednici Vijeća održanoj 29.07.2011. god. usvojen je Nacrt Plana upravljanja otpadom 2011-2016 te isti dat u javnu raspravu u trajanju od 60 dana. Ukupan iznos sredstava koji treba planirati u budžetu za 2014. godinu, a koji je u skladu sa Planom upravljanja otpadom 2011.-2016. god. iznosi 40.000,00 KM.

**Napomena:** Mjere koje će se provesti kroz implementaciju Plana su također planirane i kroz LEAP i kroz Strategiju razvoja općine 2011.-2020- god

Kako je Plan upravljanja otpadom sačinjen za period 2011- 2016. to će i u narednim godinama biti izuzetno bitno planirati određena finansijska sredstva za realizaciju mjera i aktivnosti iz Plana.

#### **- Zbrinjavanje automobilskih guma**

U 2014. godini nastaviti će se zbrinjavanje automobilskih guma na isti način kao i u 2013. godini, te će se nastojati sačiniti pravilnik o zbrinjavanju guma kojim bi se automehaničarske radnje, vulkanizeri i prodavnice guma obavezale na pravilno zbrinjavanje guma.

#### **- Čišćenje divljih deponija**

Čišćenje divljih deponija je jedan od osnovnih prioriteta u 2014. godini. Kroz aktivnosti koje su predložene u Planu upravljanja otpadom će se nastojati očistiti veliki broj divljih deponija na području općine. Bitno je pomenuti da je završen Katastar divljih deponija, što predstavlja osnovu za čišćenje i saniranje divljih deponija.

#### **- Održavanje zelenih površina**

Kontinuiran projekat koji se odvija u općini i koji će biti nastavljen i u 2014. godini, a koji ima za cilj prije svega umanjeње efekta zagađenosti kao i uljepšavanje gradskih ulica i parkova, obnavljanje drvoreda.

### - Rješavanje problematike napuštenih životinja

Formiranje skloništa za napuštene životinje i higijenskog servisa, nastavak akcije kastracije i sterilizacije napuštenih životinja, a naročito pasa lotalica i izrada registra vlasničkih pasa su osnovne aktivnosti u 2014. godini kojima će se nastojati smanjiti populacija napuštenih životinja u općini Zenica.

#### a) Kastracije i sterilizacije napuštenih pasa

Za nastavak akcija kastracija i sterilizacija napuštenih pasa na području općine Zenica, potrebno je u 2014. godine izdvojiti 20.000,00 KM, a što bi obuhvatilo finansiranje kastracija /sterilizacija cca. 500 pasa.

#### b) Izgradnja i osnivanje skloništa za napuštene životinje i higijenskog servisa

U 2014. godini će biti izgrađeno sklonište za napuštene životinje.

Za konačnu izgradnju i puštanje u rad skloništa i higijenskog servisa će u 2014. godini biti potrebno planirati cca. 210.000,00 KM.

Napomena: Problematika napuštenih pasa na području općine Zenica sa svim rješenjima i aktivnostima kojima će se u narednom periodu nastojati smanjiti broj te populacije je našao bitno mjesto u Strategiji razvoja općine Zenica 2011-2020., kao i LEAP-u za općinu Zenica

#### c) Izrada registra pasa u vlasništvu

Krajem 2013. godine, započete su aktivnosti na izradi registra vlasničkih pasa, usaglašen je registracioni obrazac, a u 2014. godini će se putem odsjeka mjesnih zajednica i uz pomoć predstavnika općine Zenica, inspeksijskih i policijskih organa izvršiti popis svih vlasničkih pasa i registracija svih vlasnika na području općine Zenica.

## Ugovorene usluge – 130.000,00 KM

### - Edukacija stanovništva

Projekat koji se provodi svake godine i za to su potrebna sredstva u iznosu od 20.000,00 KM, a planirano je da se rasporedi na slijedeći način. :

- Podrška edukativnim programima – 20.000,00 KM

U okviru ove stavke sredstva su namjenjena za sufinansiranje štampanja lista ZE-DO EKO i aktivnosti školskih ekoloških sekcija i drugih ekoloških organizacija, finansiranje ogruglih stolova na temu zaštite čovjekove emisije, radijski i tv emisija

### - Mjerenje zagađenosti zraka

Projekat mjerenja kvaliteta zraka je povjeren Univerzitetu u Zenici sa kojim će se sklopiti ugovor za 2014. godinu.

Iako je nova mjerna oprema puštena u rad te se vrši kontinuirano mjerenje zagađujućih polutanata u zraku, potrebno je nastaviti mjerenja i starim mjernim stanicama koje su u vlasništvu Metalurškog instituta „Kemal Kapetanović“.

U svrhu mjerenja, analize i prezentovanja podataka od strane Metalurškog instituta „Kemal Kapetanović“, kao i obrade i prezentovanja podataka sa novih mjernih stanica, potrebno je u budžetu za 2014. godinu za ove namjene planirati 80.000,00 KM.

### - Mjerenje zagađenosti tla i biljaka

U 2014. godini će biti nastavljen projekat mjerenja zagađenosti zemljišta i biljaka teškim metalima a koji je u skladu sa Odlukom Vlade FBiH. Navedeni projekat će se nastaviti u vidu kontinuiranog mjerenja zagađenja biljaka i zemljišta na trinaest lokacija na području cijele općine Zenice, a provodit će se uz pomoć Zavoda za agropedologiju FBiH i Zavoda za poljoprivredu FBiH.

Praćenje zagađenja zemljišta i biljaka će se provoditi u narednih 5 godina.

Do sada (2012. i 2013. godina) u sklopu Projekta „Monitoring teških metala, sumpora i drugih elemenata u zemljištu i biljkama trošeno 79.750,00 KM, a što znači da se za ovu budžetsku stavku u 2014. godini treba planirati preostalih 30.250,00 KM.

Projekat praćenje zagađenja zemljišta i biljaka je planirano da se provodi u vremenskom periodu od 5 godina, tako da sredstva namjenjena u svrhu mjerenja zagađenosti tla i biljaka dobijena od Federalnog ministarstva za okoliš i turizam trebaju biti utrošena u tom periodu.

## Tekući transferi neprofitnim organizacijama – 5.000,00 KM

Zbog teške finansijske situacije, u 2014. godini se nemože pružiti značajnija podrška edukativnim programima, a koja se odnosi na finansiranje projekata nevladinih i sportskih organizacija.

Planiranih 5.000,00 KM će biti utrošeno u ovu svrhu sufinansiranja školskih ekoloških sekcija, a prvenstveno u vezi projekta razdvojenog sakupljanja otpada koji se odvija po zeničkim osnovnim školama.

## Ostali EKO projekti

### Nabavka opreme (instrumenti za mjerenje kvaliteta zraka) – 300.000,00 KM

Za nabavku opreme za mjerenje kvaliteta zraka prema provedenoj tenderskoj proceduri potrebno je izdvojiti cca. 1.450.000,00 KM.

Nova oprema je puštena u funkciju, a ukupno do sada je za nabavku i puštanje u rad utrošeno cca. 1.150.000,00 KM koje su obezbjeđene od strane Fonda za zaštitu okoliša FBiH, Zeničkodobojskog kantona i općine Zenica.

Iz navedenog proizilazi da se u 2014. godini treba planirati **300.000,00 KM** koje se trebaju utrošiti za finansiranje preostalog dijela nabavke opreme.

## Nabavka opreme putem švedske organizacije SIDA

### Nabavka kanti kapaciteta 90, 70 i 240 litara i kontejnera kapaciteta 1100 litara

Služba za komunalne poslove i ekologiju je prema švedskoj organizaciji SIDA aplicirala projekat za nabavku opreme za prikupljanje komunalnog otpada.

Nakon završene procedure, švedska Vlada i švedska organizacija SIDA su donirale novčana sredstva u iznosu od cca. 400.000,00 KM koja su utrošena na nabavku opreme za prikupljanje otpada.

Krajem 2013. godine, nastavljene su aktivnosti na nabavci opreme za prikupljanje otpada, a koja će se izvesti od preostalih sredstava u iznosu od cca 108.000,00 KM, doniranih od strane švedska Vlada i švedska organizacija SIDA.

Nakon završetka kompletne procedure javne nabavke roba-opreme za prikupljanje komunalnog otpada, početkom februara 2014. godine se očekuje potpisivanje Ugovora za nabavku i isporuku opreme, odnosno sama nabavka i isporuka opreme se očekuje u roku od tri mjeseca.

Uz plaćanje nabavke opreme potrebno je platiti pripadajući PDV koji je planiran u budžetu Općine u iznosu od 18.700,00 KM.